



Universitätsbibliothek Paderborn

**Antonii Sanderi Presbyteri, S. Th. Licentiati Hagiologivm
Flandriae Sive De Sanctis eius Prouinciae Liber vnus**

Sanderus, Antoine

Antverpiae, 1625

Adelhardvs Abbas. Huysse pago Flandriae.

urn:nbn:de:hbz:466:1-10172

ALDEGVNDIS VIRGO.

Gandau.

20. Ian. **F**ilia fuit S. Basini Reguli ac Martyris, quæ temporibus S. Amandi Trajectensis Episcopi circa annum 640 Deo seruiuit in Trunchinio iuxta Gandauum ubi cum patre quieuit in Canonicorum regularium Ordinis Praemonstratensis Abbatia per Iwanum à Gandau Comitem Alostanum anno 1137 fundata. De eadem plura vide in vita S. Basini patris eius 14. Iulij.

ADRIANVS INTERNVNTIVS.

Gandau.

19. Mar. **C**um sancto Landoaldo Roma in Belgum venit à Martino Papa primo rogatu D. Amandi missus. Martyrem eum in fastis vocat Miraeus. Sepultus fuit in Wintershouē & anno 980 ad D. Bauonis translatus, vita eius conscripsit Nodgerus Leodienis Episcopus. Vide plura apud Gazæum in Historia Belgij Ecclesiastica.

ADELHARDVS ABBAS.

Huyffe pago Flandriæ.

2. Ianu. **C**Orbeia duplex est vna Gallica seu Francica in dioecesi Arabianensi, altera Germanica seu Saxonica in Dioecesi Paderbornensi, utraque illustris Benedictinorum Monachorū Abbatia, hodieque florens. Francicam Bathildis regina Francorū eiusque filius Lotharius Rex ad Somonam fluum fundarunt. Saxoniam ad visurgum fluum anno 822. Ludouicus pius Imperator Caroli Magni



Magni filius suadente S. Adelardo edificare cœpit, ut Lambertus Scafnaburgensis tradit, aut anno proximè sequenti ut ex Adamo reru septentrionali scriptore Baronius in annalibus colligit. Fuit autē Adelardus primū Monachus, post Abbas in corbeia Gallica, ex Caroli Magni Imperatoris stirpe prognatus patria & patrimonium illi fuit *vicia vulgo Huyse*, pagus primo lapide ab Aldenarda opido Flandriæ situs, idem & *berthenium* agri Louaniensis pagum in bonis possedit; utriusque loci etiamnum patronus est Abbas Corbiensis, teste Gazæo. Vitam eius à Surius editā unus familiarium descripsit, quam plerique Passchacio Ratberto, Sexto illius in Corbeia successoris attribuunt. Ioannes tamen Molanus alterius cuiuspiam esse putat, ita Miræus in fastis.

AMELBERGA VIRGO.

In Monte Blandinio iuxta Gandavum.

B Eliiæ à S. Landrada piis moribus institutam fuisse ^{10. Jul.} tradunt, diu vixit ac demum anno 772 obiit in sui iuris villa Tamisia seu Temseca ad Scaldim in dioecesi Gandensi & agro Wasiano, ubi hodieque tumulus eius ostenditur. Corpus Virgineum Balduinus ferreus Flandriæ Comes anno 890 ad Blandiniense monasterium transtulit. Venit autem, inquit Molanus, consilio S. Willibrordi Belisiam, ut istic à D. Landrada quæ monasterio istic præferat, in pietate formaretur. Brachij eius os confregisse putatur Carolus Martellus princeps, ut eam sibi raperet Sponsam quam etiam plane cepisset uxorem, nisi pudicitia virginalis de eo triumphans penitus obstitisset. Migravit ad Dominum anno 772 aut circiter. Scribit Massæus ciues Gandauenses (tantæ ipsis olim venerationi &

B 2 merito

